

predmetima, smjernice za realizaciju nastavnih jedinica, očekivani rezultati, izvori, ocjenjivanje učenika.

II.

Nastavni plan i program za zanimanje izolater ovojnice objekta obuhvata: nastavni plan sa nazivima predmeta, broj časova za svaki predmet i broj nastavnih sedmica potrebnih za realizaciju programa.

III.

Nastavni plan i program obuhvata sljedeće predmete:

Rb.	NASTAVNI PREDMET	GODINA			SVEGA	
		I	II	III	Broj	%
1.	OPĆEOBRAZOVNI PREDMETI					
1.	Bosanski/hrvatski/srpski jezik i komunikacija	2	2	2		
2.	Strani jezik	2	2	2		
3.	Matematika	2	-			
4.	Tjelesni i zdravstveni odgoj	2	2	2		
5.	Informatika	2	-	-		
6.	Demokratija i ljudska prava	-	-	2		
7.	Historija/povijest	2	-	-		
	Ukupno 1.	12	6	8	26	28,88
2.	PREDMETI U FUNKCIJI STRUKE					
8.	Hemija	2	-	-		
9.	Matematika	-	2	-		
	Ukupno 2.	2	2	-	4	4,44
3.	STRUČNO TEORIJSKI PREDMETI					
10.	Crtanje	2	2	-		
11.	Građevinarstvo	4	2	-		
12.	Građevinske konstrukcije	2	2	-		
13.	Tehnologija zanimanja	2	4	2		
14.	Poduzetništvo	-	-	2		
	Ukupno 3.	10	10	4	24	26,66
	Ukupno 1+2+3	24	18	12	54	60
4.	PRAKTIČNA NASTAVA	6	12	18	36	40
	UKUPNO 1+2+3+4	30	30	30	90	100

IV.

Tačke I, II, III, IV i V Nastavnog plana i programa za zanimanje izolater ovojnice objekta objavit će se u „Službenim novinama Tuzlanskog kantona“, a Nastavni plan i program će se štampati kao posebna knjiga.

V.

Nastavni plan i program za zanimanje izolater ovojnice objekta primjenjuje se od školske 2015/2016. godine.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja,
nauke, kulture i sporta
Broj: 10/1-38-7941-3/15
Tuzla, 03.08.2016. godine

MINISTAR

Mr.sc. Zlatan Muratović, v.r.

801

Ministarstvo obrazovanja, nauke, kulture i sporta Tuzlanskog kantona na osnovu članova 8. i 23. Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, br. 17/00, 3/01, 12/03, 10/05, 3/08, 18/11 i 15/13), a u skladu sa članom 13. stav 2. Pravilnika o sadržaju i načinu vođenja registra organizatora obrazovanja odraslih („Službene novine Tuzlanskog kantona“, broj: 14/15), **objavljuje**

LISTU

organizatora obrazovanja odraslih upisanih u Registar organizatora obrazovanja odraslih

1. Javna ustanova Mješovita srednja škola Banovići, upisana je u Registar organizatora obrazovanja odraslih u Knjigu 1. pod rednim brojem 1. na strani 1.

2. Javna ustanova Mješovita srednja škola Kalesija, upisana je u Registar organizatora obrazovanja odraslih u Knjigu 1. pod rednim brojem 2. na strani 2.

3. Javna ustanova Mješovita srednja škola „Musa Ćazim Ćatić“ Kladanj, upisana je u Registar organizatora obrazovanja odraslih u Knjigu 1. pod rednim brojem 3. na strani 3.

4. Javna ustanova Mješovita srednja škola Sapna, upisana je u Registar organizatora obrazovanja odraslih u Knjigu 1. pod rednim brojem 4. na strani 4.

5. Javna ustanova Mješovita srednja škola Srebrenik, upisana je u Registar organizatora obrazovanja odraslih u Knjigu 1. pod rednim brojem 5. na strani 5.

6. Javna ustanova Mješovita srednja škola Teočak, upisana je u Registar organizatora obrazovanja odraslih u Knjigu 1. pod rednim brojem 6. na strani 6.

7. Javna ustanova Mješovita srednja elektrotehnička škola Tuzla, upisana je u Registar organizatora obrazovanja odraslih u Knjigu 1. pod rednim brojem 7. na strani 7.

8. Javna ustanova Mješovita srednja građevinsko-geodetska škola Tuzla, upisana je u Registar organizatora obrazovanja odraslih u Knjigu 1. pod rednim brojem 8. na strani 8.

9. Javna ustanova Mješovita srednja hemijska škola Tuzla, upisana je u Registar organizatora obrazovanja odraslih u Knjigu 1. pod rednim brojem 9. na strani 9.

10. Javna ustanova Mješovita srednja mašinska škola Tuzla, upisana je u Registar organizatora obrazovanja odraslih u Knjigu 1. pod rednim brojem 10. na strani 10.

11. Javna ustanova Mješovita srednja rudarska škola Tuzla, upisana je u Registar organizatora obrazovanja odraslih u Knjigu 1. pod rednim brojem 11. na strani 11.

12. Javna ustanova Mješovita srednja saobraćajna škola Tuzla, upisana je u Registar organizatora obrazovanja odraslih u Knjigu 1. pod rednim brojem 12. na strani 12.

13. Javna ustanova Turističko-ugostiteljska škola Tuzla, upisana je u Registar organizatora obrazovanja odraslih u Knjigu 1. pod rednim brojem 13. na strani 13.

14. Javna ustanova Mješovita srednja škola Tuzla, upisana je u Registar organizatora obrazovanja odraslih u Knjigu 1. pod rednim brojem 14. na strani 14.

15. Javna ustanova Mješovita srednja škola Živinice, upisana je u Registar organizatora obrazovanja odraslih u Knjigu 1. pod rednim brojem 15. na strani 15.

16. Javna ustanova Mješovita srednja škola „Hasan Kikić“ Gradačac, upisana je u Registar organizatora obrazovanja odraslih u Knjigu 1. pod rednim brojem 16. na strani 16.

17. Javna ustanova Mješovita srednja škola Gračanica, upisana je u Registar organizatora obrazovanja odraslih u Knjigu 1. pod rednim brojem 17. na strani 17.

18. Privatna ustanova „Centar za obrazovanje i obuku odraslih tehničke struke“ Živinice, upisana je u Registar organizatora obrazovanja odraslih u Knjigu 1. pod rednim brojem 18. na strani 18.

19. Javna ustanova Mješovita srednja elektro-mašinska škola Lukavac, upisana je u Registar organizatora obrazovanja odraslih u Knjigu 1. pod rednim brojem 19. na strani 19.

20. Privatna ustanova Centar za obrazovanje odraslih Gračanica, upisana je u Registar organizatora obrazovanja odraslih u Knjigu 1. pod rednim brojem 20. na strani 20.

21. Privatna ustanova Centar za obrazovanje odraslih Tuzla, upisana je u Registar organizatora obrazovanja odraslih u Knjigu 1. pod rednim brojem 21. na strani 21.

22. Javna ustanova Mješovita srednja škola Čelić, upisana je u Registar organizatora obrazovanja odraslih u Knjigu 1. pod rednim brojem 22. na strani 22.

23. Javna ustanova Mješovita srednja škola Doboj Istok, upisana je u Registar organizatora obrazovanja odraslih u Knjigu 1. pod rednim brojem 23. na strani 23.

Organizatori obrazovanja odraslih upisani u Registar organizatora obrazovanja odraslih mogu izdavati svjedodžbe i druge javne isprave o završetku obrazovanja odnosno pojedinih razreda i oblika obrazovanja.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja,
nauke, kulture i sporta
Broj: 10/1-38-019582/16
Tuzla, 26.08.2016. godine

MINISTAR

Mr.sc. Zlatan Muratović, v.r.

802

Na osnovu člana 23. Zakona o ministarstvima i drugim organima uprave Tuzlanskog kantona («Službene novine Tuzlanskog kantona», br. 17/00, 3/01, 12/03, 10/05, 3/08, 8/11 i 15/13) i člana 11. stav 5. Odluke o utvrđivanju programa, uslova, kriterija i postupka za raspodjelu sredstava Budžeta Tuzlanskog kantona za 2016. godinu sa pozicije 21010006 – „Podrška razvoju Kantona“, broj: 02/1-02-14070/16 od 24.05.2016. godine, Ministarstvo razvoja i poduzetništva Tuzlanskog kantona donosi

PRAVILNIK o utvrđivanju uslova, kriterija i postupka dodjele nepovratnih sredstava za poticaje inovatorstvu

Član 1.

(Predmet pravilnika)

Ovim pravilnikom utvrđuju se uslovi, kriteriji i postupak dodjele nepovratnih sredstava za poticanje inovatorstva malih i srednjih preduzeća (MSP) i obrtnika koji svojim projektima promovišu i potiču razvoj inovatorstva (u daljem tekstu: Pravilnik) na području Tuzlanskog kantona (u daljem tekstu: Kanton).

Član 2.

(Pojam MSP i obrtnici)

Pod pojmom MSP i obrtnici, podrazumijevaju se MSP i obrtnici definisani sljedećim propisima:

- a) Subjekti male privrede iz člana 4. Zakona o poticaju razvoja male privrede („Službene novine FBiH“, br. 19/06 i 25/09);
- b) Obrtnici registrovani u skladu sa Zakonom o obrtu i srodnim djelatnostima („Službene novine FBiH“, br. 35/09 i 42/11) i Uredbom o vezanim i posebnim obrtima („Službene novine FBiH“, br. 66/09, 62/10 i 16/12), te obrtnici koji obavljaju obrtničku djelatnost u skladu sa Uredbom o zaštiti tradicionalnih i starih zanata („Službene novine FBiH“, br. 66/09, 38/10 i 16/12).

Član 3.

(Pravo i uslovi za dodjelu sredstava)

(1) Pravo na ostvarivanje poticaja imaju MSP i obrtnici pod uslovima:

- a) da su registrovani, imaju sjedište i rade na prostoru Kantona, (dokaz: rješenje o registraciji);
- b) čija registrovana djelatnost ne spada u oblast trgovine, turizma, ugostiteljstva, prijevoza stvari, roba i putnika (dokaz: rješenje o registraciji);
- c) da uredno izmiruju direktne poreze, doprinose za PIO i zdravstveno osiguranje;
- d) da uredno izmiruju indirektne poreze (ukoliko je u sistemu PDV-a u skladu sa Zakonom o porezu na dodanu vrijednost);
- e) da su izmirlili članarinu Obrtničkoj komori TK za 2015. godinu;
- f) koji su opravdali dodijeljena finansijska sredstva Ministarstva razvoja i poduzetništva Tuzlanskog kantona (u daljem tekstu: Ministarstvo) po ranije preuzetim obavezama korištenja poticajnih sredstava, ukoliko je koristio ista;
- g) koji do sada nisu ostvarili subvenciju/sufinansiranje/poticaj traženih finansijskih sredstava od Ministarstva, Vlade Tuzlanskog kantona ili drugog izvora, za realizaciju predloženog projekta/programa (dokaz: izjava podnosioca prijave);
- h) korisnici koji su ostvarili pravo na dodjelu novčanih sredstava u 2016. godini u drugim ministarstvima Tuzlanskog kantona nemaju pravo aplicirati na programe Ministarstva, a korisnici koji imaju pravo apliciranja mogu aplicirati na samo jedan program Ministarstva.

(2) Ukoliko podnosilac prijave ne ispunji naprijed navedene uslove, prijava neće biti uzeta u dalje razmatranje.

Član 4.

(Namjena utroška nepovratnih sredstava)

(1) Namjena sredstava za poticaje inovatorstvu dodijeljuju se MSP i obrtima i mogu se koristiti za projekte koji se odnose na razvoj i unapređenje inovatorstva i poticaj inovativnog djelovanja na području Kantona.

(2) Svako korištenje odobrenih sredstava suprotno namjenama utvrđenim stavom (1) ovog člana smatra se nenamjenskim.

Član 5.

(Ciljevi koji se žele postići)

Ciljevi koji se žele postići: promocija inovatorstva i domaćih inovatora i inovativnih firmi na području Kantona.